

سنگینا

نومرو ۸۰

پنجشنبه

۳۰ تشرین اول ۱۳۲۴

حصوله کلن هیجان اوقدر شدتی اولدی که بونک تأثیراتی ممکن مرتبه تحفیف وازاله اتمک ایچون مقروضلرک تسویه ایتدکاری مبلغدن بشقه ۲,۲۰۰,۰۰۰ فرائق قدر بر تضمیناتک دهاعلاوة تأدیه سی ایجاب ایتدی . ایشته ۱۸۵۰ استقراض مقاوله سی بویه بر فداکارلقه فسخ اولنه بیلیمشدر .

دوام اولنه جقدر
ناظم راغب

علوم حقوقیه مذاکره لرندن :

موقوفیت

Détention Privative

قوانین جزاییه مزده محلی اولمدینی حالده قوللانیمش اولان تعیرلرک اک مهمی موقوفیت وتوقیفدر . اصل قانونک مرتبیری، مترجیری، بو تعیرلری بعضاً اخذوگرفت موقعنده، بعضاً معنای صحیحیه توقیف مقامنده و بعضاًده شوبله جه آلیقونلمق، مسافرایدلمک یولنده ترجمه ایدیورمشلردر . قوانین عدلیه نك مبدأ تطبیقاتنده کوریلان تشوشله بالآخره برای تفسیر محکمه تمیزک اوغرا دینی تشتت آرانک یکانه مولدلری اصل بو تعیرلرک موضعسز قوللانیمسندن ایلرو گلشدر . مأمورین عدلیه کی هیئت تمیزیه دخی کاه عباریه کاه معنایه اعتبار ایدرک قرارلری اکثریه کوره کلشی کوزل ویرمشدر .

بر محکمه حضورنده وبالخاصه محکمه حقوق حضورنده رئیس محکمه نك اوامرینه عدم اطاعتله کورلتی ایدن یاخود تقییح و تحقیر یا تحسین وستایش کی حالاته جرأت ایدن کسه درحل رئیسک امریه توقیف وشو قدر کون حبس جزاسنه اوغرا دیلور . قانونک بو ذکر ایتدیکی حکم ، واکا معطوف اولان حکم توقیف معنای توقیفده اولمدینی کی جرائم مشهوده وقوعاننده، محل جرمندن تباعد ایلین اشخاص حقنده مدعی عمومیلرک دردست ایده بیلیمک حق ینه معنای توقیفی متضمن دکلدور .

توقیف دائماً بر مذکویه تابعدر . و بو مذکوره یی یالکیز مستعطفلر اعطا ایده بیلور .

مستنطقلرك ویره جكلری توقیف مذکره لری ایچون بر زمان شویله بر مطالعه سرد اولنمش ایدی . یعنی توقیف مذکره سی یا لکیز جنایاته منحصر در دنیلمش ایدی . بو ادعائک مردودیتی بدیهیدر اگر جرائم واقعه نك نوعه اعتبار ایدرك توقیف مذکره سی یا لکیز جنایاته حصر اتمش اولساق مقصد قانونی افاته اتمش اولورز . چونکه توقیف مذکره سی یا فعل واقع جرائم مشهوده دن بر جنایت اولدیغندن یا مظنون علیه سربست بر اقلدینی حالده ایکنجی بر جریمه تشبیه ملحوظ بولندیغندن یا خود مظنون علیه ک فرارینی منع ایلمکدن و یا سربست بر اقلدینی صورتده آثار جرمی ازاله ایلیمه چکی مأمول اولدیغندن طولانی بر تدبیر احتیاطی اولمق اوزره اصدار اولنور . بو تدبیرک تطبیق واجراسی درجات جریمه کوره هم جنبه هم خنایات افعالنده نمایان اوله جنی آشکار و بدیدارد . توقیف مذکره سی تحقیقات عدلیه سنه وضع ید ایدیلان بالجلسه مواد جزائیسه ده علی الاطلاق مرعی اولدیغنه باقیلور ایسه سیاسته متعلق بر امر، جرائم عادیه به متعلق الك اوفق بر حادثه، شرائط مبسوطه دأره سندن خارج قالمز .

تحقیقات ابتداییه توقیف مذکره سندن بشقه جلب و احضار و غیر موقت توقیف مذکره لری و بریلور . جلب، دعوتدن، احضار بر پولیس و ژاندارمه ایله کتور مکدن ، غیر موقت توقیف ایسه مظنون علیه یی در دست ایدوب بلا مدت توقیف ایلمکدن عبارتدر .

غیر موقت توقیف مذکره سی، توقیف مذکره سنک حکماً عینیدر . بر توقیف خانه ده توقیف ایلمکدر . فقط حکم توقیف، مدتیجه، شرائط اجراییه جه بعض مراسمه تابعدر . غیر موقت توقیف مذکره سی مدعی عمومی استماع اولمندیجه و بر یله میه چکی کی ماده قانونیه و عباره سی یعنی اسباب موجب قانونیه سی بیان اولنیمه رق اصدار اولنور ایسه مخالف قانون اولور . عادی توقیف مذکره سنده بو مثللو شرائطه لزوم یوقدر . و یازیلیمه بر امر مستحسن اختیار اولندیفی فرض اولنیمه رق نه فسحی نه نقضی لازمکمز .

توقیف مذکره سنک برینک اوتوز کونه دیگرینک بلا مدت اولسنه و شرائط

تعمیمیه چه برینک تابع قیود اولوب دیکرینک اولماسنه بناء بوراده دخی جزایون عثمانیه نك نظرلری تخلف ایتشدرد. ذیلده شدركه موقت توقیف مذکوره سی جنجه لرده استعمال اولنه بیلور. غیر موقت توقیف منحصرأ جنایاتده استعمال اولنور. بو رایك عدم صحقی نمایاندر. توقیفی موقت بر صورتله قرار تحتہ آلان بر مستنطق اسباب موجبہ قانونیه کوردیکی تقدیرده مدتك ختامندن اقدم موقت امرینی غیر موقت توقیفه تحویل ایدہ بیلور. باخصوص، موقت امرله توقیف ایدلمش اولان کسه استدعاسیله سبیلی تخلیه اولنهرق ویردیکی تعهدنامه وکفالت حکمنه مخالفتله، مفسدته بولنور و وقوع بولان دعوتلره اجابت ایله من ایسه توقیف مذکوره نك اولجه ویرلمسی استلزام ایلیان احوال کسب شدت ایللمش اوله جفندن بو صورتده مستنطق، اول کسه نك ارتکاب ایلدیکی جرمک جنجه ویا جنایاتدن اولدیغنی نظر دقته آلمیه رق اتخاذ تدبیرده مختار اوله جنی طبعییدر عکس حالده ینہ مقصد قانون افاته ایدلمش اولور.

توقیف مذکوره سندن بشقه برده اخذ وکرفت نامیله برشی کوریلور. جانینک اتهامندن صکره، مضبطه اتهامیه اداخل اولنان بر قیددر. اخذ وکرفتک حکمی، غیر موقت توقیف مذکوره سی حکمنه معادلدر. مہم؛ حکم جنائی محکمه تمیزدن تصدیق اولنجه یه قدر اخذ وکرفت امریله موقوف قالیر.

معاملات توقیفیه راجع بعض مسائلی شو مناسبته ایضاح ایدلم.

مجنون اولان برجانی، بر صاحب جرم توقیف اولنه بیلورمی؟ اصحاب جرائم آردسندہ جمعیات مدنیسه نك، رحم وشفقتہ الک زیاده محتاج و بیچاره محکوملر، حجرملر؛ مجنونلردر. مجنونلر بیلمیه رك، اراده و اختیارلری اللرنده اولمیه رق ارتکاب شایع ایللمشلردر. بولره نه جزا ویریلور، نه محاکمه یاپیلور. بلکه بر خسته خانه، بر دارالشفا یه، کوندریلیرده اسباب شفایه لرینہ صرف مقدرت اولنور. مجنونک نحو ووافقی ثابت اولور ایسه جرم سابقک، فعلاً معافی سیبیلہ آرتق آندن بخته امکان قاله من. اولسه اولسه حقوق شخصیه موضوع بحث اوله بیلور.

صبيان، مجنونان درجه سنده مظهر معافيتدر . يالکيز اصلاح حالري
ايچون اصلاحخانهلره، ايله اولرينه بر مدت مناسبه ايله يعنى محکمه جه تصويب
اولنه جق مدتله مسافر ايديلورلر . بزم قانون قرقيجى ماده [جزا قانونى] ايله سائر
مادهلرده مدت اصلاحى، حبس تعبيريله افاده ايلمشدور .

مجنونك موقوفيتى جائز اوله ميه جني تفصيلاتدن اكلاشلدى . صبي حقننده
بطابق الاولى موقوفيت غير جائزدر . چونكه اولكيسنده اراده واختيارك انسانى
عارضى ايكنجيسنده اصليدر . مع هذا مجنونك ، صينك سربست بر اقله سنده
محذور وارد اولديغندن محکمه نك حكمة محل ولزوم قاليه رقى مجنون دارالشفاه
صبي موقف بر اصلاحخانه يه تسليم ايديلور .

مريض اولان كسه نك توقيفى جائز اوله بيلورمى ؟

مريضك اعاده عافيتى حالنده تعقيبات عدليه عودت ايدم جكنه نظراً مريض
اولان ارباب جرائم توقيفخانه داخلنده كى خسته خانه يه ياتيريلوب تحت تدوى يه
آلنور . بالتداوى افاقتياب اولدقده حكم توقيف ذاتاً صادر اولمش و حكمى
مظنون عليه مريضك اخذ و توقيف اولندينى مدتدن بالاعتبار جارى اولمقده
بولمش اولمغله حكام و مستنطقلر مظنون عليهم توقيف اولنماسندن منبعث
اوله بيله جك خطر و تهلكه دن وارسته قلمش اولورلر . بو حال اكثرياً مجارحات
ومضاربنده واقع اوليور . بر برينى ضرب ايديلورلر ، باش ياريليور . دائرة سادسه
ياخود غربا خسته خانه سنه كوندريليور . قاعده بو منللو ارباب جرائم حبسخانه
عمومى قريبنده واقع خسته خانهلره ، توقيفخانه خسته خانه سنه يرلشديرملرى اقتضا
ايدر ايدى . حبسخانهلر مزجوارنده قواعد صحيحه يه موافق خسته خانهلر هنوز
انشا اولنماشدور . حالبوكه ضارب ويا جارح تحت تدوى يه آنان مهلك جربم سندن
طولاني غربا خسته خانه سنده حال احتضاره تقرب ايلر ايسه طيب قانونيلرك ،
اطبانك يتشمسى ، مستنطق و مدعى عموميلرك تحقيقاته مدار اوله جق افاداتى
ممکن مرتبه الله ايدم بيلملى نصل قابل اوله بيلور ؟ حبسخانهلرك اصلاح احوالى
حقنده تشكلى امل و آرزو اولنان فنى وعدلى قوميسيونجه ايلروده بوكا بر چاره
عاجل تدارك اولنه جغننده شبهه مز يوقدر .
عبدالخالق مدحت